

Nadzorni odbor KJKP „Park „ d.o.o.Sarajevo

Broj: P-3124-3
Sarajevo, 09.09.2021. godine

Na osnovu člana 257. tačka f) Zakona o privrednim društvima ("Službene novine F BiH", broj 81/15), člana 43., 57., 61., 63. i 64. Prečišćenog teksta Statuta KJKP "Park" d.o.o. Sarajevo, broj: P-2803-3/21 od 31.08.2021. i člana 19. Poslovnika o radu Nadzornog odbora KJKP "Park" d.o.o. Sarajevo, broj: P-2483-2-1 od 04.08.2021. godine, na 2. redovnoj sjednici, održanoj 09.09.2021. godine, Nadzorni odbor KJKP "Park" d.o.o. Sarajevo donosi

O D L U K U

O KRITERIJIMA OPĆIM I POSEBNIM USLOVIMA ZA IZBOR I IMENOVANJE ČLANOVA UPRAVE KJKP "PARK" D.O.O. SARAJEVO: IZVRŠNOG DIREKTORA ZA ODRŽAVANJE JAVNIH ZELENIH POVRŠINA I IZVRŠNOG DIREKTORA ZA PROIZVODNJU, INŽINJERING I KAPITALNE INVESTICIJE

Član 1.

(Predmet)

Ovom odlukom utvrđuju se opći i posebni uslovi za izbor i imenovanje članova Uprave KJKP "Park" d.o.o. Sarajevo: izvršnog direktora za održavanje javnih zelenih površina i izvršnog direktora za proizvodnju, inženjering i kapitalne investicije.

Član 2.

(Uslovi za imenovanje izvršnih direktora)

Za izvršnog direktora KJKP "Park" d.o.o. Sarajevo može biti imenovan kandidat koji ispunjava slijedeće uslove:

a) Opći uslovi:

- 1) da je stariji od 18 godina i da nije stariji od 65 godina na dan imenovanja;
- 2) da je državljanin Bosne i Hercegovine;
- 3) da je zdravstveno sposoban za obavljanje poslova na koje se prijavljuje;
- 4) da nije osuđivan za krivično djelo i za privredni prestup nespojiv s dužnošću u Upravi pet godina od dana pravomoćne presude isključujući vrijeme zatvorske kazne prije dana objavljivanja upražnjene pozicije;

- 5) da mu presudom suda nije zabranjeno obavljanje aktivnosti u nadležnosti Uprave;
 - 6) da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti;
 - 7) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjenje pozicije;
 - 8) da se na njega ne odnosi član IX Ustava Bosne i Hercegovine;
 - 9) da ne vrši funkciju u političkoj stranci;
 - 10) da ne postoje druge zakonske smetnje za obavljanje funkcije člana Uprave.
- b) Posebni uslovi:
- 1) da ima završenu visoku stručnu spremu (VSS) ekonomski ili pravni fakultet, fakultet društvenog, tehničkog ili biotehničkog smjera;
 - 2) da ima najmanje 5 godina radnog iskustva;
 - 3) da nije predsjednik i član nadzornog ili upravnog odbora u privrednim društvima, institucijama, fondovima, agencijama ili komisijama;
 - 4) da je prošao ili se obavezao da će obaviti odgovarajuće usavršavanje u skladu s Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala;
 - 5) da ispunjava i druge uslove koji su zakonskim i podzakonskim uslovima predviđeni kao obligatorni za članove uprava javnih preduzeća, uključujući i javna komunalna preduzeća (potrebni certifikata, priznanja preporuke i dr.);
 - 6) da ima pozitivne rezultate u radu ostvarene tokom radnog angažmana.

Član 3.

(Kriteriji)

- (1) Prilikom izbora uzet će se u obzir sljedeći kriteriji:
 - a) rezultati i priznanja ostvareni u dosadašnjem radu,
 - b) znanje i sposobnost razumijavanja poslovnih izvještaja,
 - c) komunikacijske i organizacijske sposobnosti,
 - d) poznavanje propisa koji se primjenju na rad i poslovanje kantonalnih javnih preduzeća.
- (2) Kriteriji iz stava (1) ovog člana bodovati će se od 1 do 5.

Član 4.

(Ravnopravnost pri izboru)

Prilikom utvrđivanja ili primjene kriterija izbora neće se vršiti bilo kakva diskriminacija prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

Član 5.

(Konkurs)

Na osnovu ovih kriterija, općih i posebnih uslova, Nadzorni odbor raspisati će konkurs za izbor i imenovanje članova Uprave KJKP "Park" d.o.o. Sarajevo: izvršnog direktora za održavanje javnih zelenih površina i izvršnog direktora za proizvodnju, inženjering i kapitalne investicije.

i objaviti ga u „Službenim novinama FBiH“, u jednom dnevnom listu i na web stranici KJKP “Park” d.o.o. Sarajevo.

Član 6.
(Komisija)

Nadzorni odbor KJKP “Park” d.o.o. Sarajevo imenovati će komisiju za provođenje postupka konkursa za izbor i imenovanje članova Uprave KJKP “Park” d.o.o. Sarajevo: izvršnog direktora za održavanje javnih zelenih površina i izvršnog direktora za proizvodnju, inženjering i kapitalne investicije.

Član 7.
(Stupanje na snagu)

Ova odluka stupa na snagu danom donošenja.



D.PREDSJEDNIK
NADZORNOG ODBORA

Ibrahim Kerla
Ibrahim Kerla

Dostavljeno:

- Nadzornom odboru,
- Komisiji,
- Upravi,
- SOP,
- a/a.